



1.4
SIZE
66

續纂揚州府志卷之十三

人物志五

陳本禮字素村家多藏書有別業名孤室取備宏富與
玲瓏山館馬氏石研齋蔡氏埤助於考訂再黃不釋手
或得宋本精裝尤珍異故之者有相贈稍表漢製府三
歐注意就探奇屬律制尤若于卷名曰孤室四種又若
補氏易林考正與雅大元靈離等書于楚衡字穆堂所
小集於西學值中落錄書亦多散失已而奔走衣食
應出舍命修志之招此尚屬周圖焉似於寶書年
所製或能謂事非野史亦一佳款若遺編本無在野

特

門 九 5
號 3537
卷 53

續纂揚州府志卷之十三

人物志五

文苑



陳本禮字素村家多藏書有別業名瓠室收儲宏富與
玲瓏山館馬氏石研齋秦氏埒勤於考訂丹黃不釋手
或得宋本精槧尤珍襲藏之著有屈辭精義漢樂府三
歌注急就探奇協律鉤元若干卷名曰瓠室四種又著
焦氏易林考正揚雄太元靈曜等書子逢衡字穆堂諸
生邃於經學值家中落藏書亦多散失已而奔走衣食
應萬全令施彥士之招北出居庸關越飛狐嶺覽昔年
瀋陽戰處謂生平壯遊第一性耽著述稿本輒自隨如

竹書紀年集證逸周書補注穆天子傳注山海經彙纂
讀騷樓文集詩集皆能參考異同引伸典要每謂讀書
以治經爲要近時諸儒解經搜討已無餘蘊能取羽翼
經傳者不憚詳考亦以解經卒年七十有八無子思古編
王豫字柳村家焦山北岸之翠屏洲性酷嗜詩曾輯江
蘇詩徵一百八十三卷嘗擁書下榻於焦山佛閣中總
督鐵保聞而異之因題其閣曰詩徵閣柳村選詩謹守
歸愚別裁家法大旨衷於雅正著有種竹軒詩文集儒
行錄明世說新語王氏法言王氏清芬錄所選羣雅初
二集京江耆舊淮海英靈等集亦俱刊行年五十九以

布衣終子屋諸生工詩蚤卒研經室集江蘇詩徵序

張鏐字子貞號老蘊性孤峭不隨俗俛仰遇不可於意

輒見顏色工詩礫卓傲岸如其爲人著有求當集郭麐求當

集序

張維楨字芟塘乾隆五十三年副貢工詩詞四方學者
雲集精天文明於六壬占驗道光二十三年洋船入江
揚郡戒嚴維楨語家人無恐又指某星躔次懼十年後
有警吾不及見矣粵匪之難有前知焉著有石蘿山房

詩鈔行略

焦循字里堂葱子少穎異八歲在阮廣堯家與賓客辨

壁上馮夷字曰此當如楚詞讀皮冰切不當讀如縫賡
堯大奇之妻以女居父母喪哀毀如禮嘉慶六年舉人
一赴禮闈嗣以足疾不入城市葺其老屋曰半九書塾
復構一樓曰雕菰樓有湖光山色之勝讀書著書恆在
樓中循博聞強記識力精卓於學無所不通嘗以洞淵
九容之術實通於易乃以數之比例求易之比例著易
通釋二十卷復提其要爲圖略八卷章句十二卷總稱
雕菰樓易學三書學易時隨筆記錄著易餘籥錄二十
卷易話二卷注易日記三卷易廣記三卷又疏趙岐孟
子注兼采近儒數十家之說而多下己意合孔孟相傳
之正指著孟子正義三十卷又著周易王注補疏二卷
尚書孔氏傳補疏二卷毛詩鄭氏箋補疏五卷春秋傳
杜氏集解補疏五卷禮記鄭氏注補疏三卷論語何氏
集解補疏二卷合之爲六經補疏又考浙江原委以證
禹貢三江專明班氏鄭氏之學著禹貢鄭注釋一卷又
以王伯厚詩地理考繁雜無所融貫著毛詩地理釋四
卷又仿戴震孟子字義疏證著論語通釋一卷又撰羣
經宮室圖二卷毛詩鳥獸草木蟲魚釋十一卷陸璣疏
考證一卷錄當世通儒說尚書者四十一家書五十七
部仿衛湜禮記之例以時之先後爲序爲書義叢鈔四

十卷尤精於天文算術以梅文鼎弧三角舉要環中黍尺撰非一時繁複無次戴震勾股割圖記務爲簡要變易舊名著釋弧三卷又以弧線之生緣於諸輪輪之弗明法無從附著釋輪二卷又以雍正癸卯律書用揣圓法實測隨時而差則立法亦隨時而改著釋臈一卷又以九章不能盡加減乘除之用而加減乘除可以通九章之窮著加減乘除釋八卷又得秦道古數學大略因著天元一釋二卷開方通釋一卷吳縣李銳序之云自李欒城郭彤臺之後爲此學者未如此妙也循力彰家鄉先哲勤求故友遺書孜孜不倦以居北湖博采舊聞搜訪遺籍著北湖小志六卷又因分撰揚州府志收拾雜文舊事著揚州足徵錄一卷刊記六卷循治經之外如詩詞醫學形家九流之書無不通貫每得一書必識其顛末心有所契則手錄之成里堂道聽錄五十卷最愛柳柳州文謂唐宋以來一人而已著有雕菰樓文集二十四卷詞三卷詩話一卷種痘醫說等書若干卷卒年五十八子廷琥字虎玉諸生能讀書傳父業著有益古演段開方補蜜梅花館詩文鈔若干卷

學經室二集

凌曙字曉樓監生父士駿以力養母性和易里閭稱長者自悔幼失學遂教其子讀書曙因得博覽載籍兼工

文詞治經傳不為俗學初成四書典故覈六卷嗣讀公羊何休注好之以公羊多言禮因益精鄭氏學又以公羊義存董子春秋繁露為注十七卷又別為公羊禮疏十一卷公羊禮說一卷公羊答問二卷禮論百篇嘗從阮文達公入都校輯經郭刪訂江蘇詩徵復隨入粵皆以校書授讀為事子鏞諸生今名毓瑞研經室集並傳略

談經傳字德興諸生生平文字外無交親性剛直接後進禮貌最嚴劄記經史事紙筆纖悉滿篋晚歲猶好學不衰卒年八十子怡曾字星臺亦諸生邁爽不羈詩多高勝之概中歲病痺輯所為文百篇名明志堂集評者

謂得前人風格避咸豐三年粵賊之亂不知所終

聲遠堂集

吳中憲字履平諸生早歲工詩詞駢體多沈博瑰奇之作後為散體文高古淡永尤精樂律著有樂律全書樂府字句譜略詞調今存錄兩漢賢臣考醫林談苑諸書官浙江山陰縣縣丞卒於官弟中密字謹叔道光十八年舉人敦行力學工文詞於雙聲疊韻尤精咸豐三年

城陷被害

思古編并傳略

徐廷璋字雲甫道光五年舉人以經學教授生徒從遊者眾孤寒咸樂成就絕意進取性嗜名人書畫碑帖收藏甚富詩文稿燬於兵燹卒年六十一弟廷珍字聘卿

咸豐九年舉人生平慎交遊重然諾獎掖後進樂善不倦道光二十八年江洲疊遭水患廣勸救災得輸穀數千石粵匪犯揚總辦興化團練地居天長六合下游聲勢森列地方賴以無恐主講文正書院於文字外時勗以敦品勵行爲先舉報貞孝節烈及前後殉難士民彙請

旌

卹著有日省錄聖學近求錄四書精要錄小醉經室筆

記詩文集若干卷卒年五十八以揀選知縣累保內閣

侍讀銜子兆豐同治十三年進士官庶常

家傳

周鑽字在東號篠雲諸生績學工詩游其門者成就甚

衆曾應浙撫吳文節公之聘徜徉六橋雙峯間題詠益

富著有搜吉齋詠物詩四時雜詠章江遊草子光祖廩

生光旂道光十七年拔貢咸豐元年舉人

行略

梅植之字蘊生道光十九年舉人父徇多厚德鄉里稱長者植之年十二卽善古今體詩長博覽經史家貧無書率手自鈔寫以穀梁師說最古義往往與毛荀氏合擬作疏證工書法見舊拓珍玩不釋手蚤歲學琴慕嵇中散之爲人署所居曰嵇菴中歲疊遭考妣喪未闋服妻許氏又卒家室蕩然其愁苦抑鬱之狀一寓於詩繼娶黃氏卒年五十於卒前一日甫舉一男猶強撫之命

名曰毓著有稽菴詩文集十二卷子毓幼秉母教能傳家學同治九年舉人家傳

田溥光字季華原名普實監生幼通小學工詩搜訪金石碑版考訂無譌篆隸真行各體書俱有宗法高才壯氣傲岸不羣一游京師轉側齊魯吳越間皆無所遇恫際以終年甫三十六著有揚州金石記金石話目耕齋筆記漢學堂詩文集若干卷曾輯梁忠愍于涘遺集刊行之欲編廣陵文徵未果編修汪廷儒輯廣陵思古編溥光舉所搜集者授之其好古而不近名類如此墓誌

王漪字仲清諸生幼貧力學於儒先義理得窺門戶暇

作韻語音調淒惋甲申上燈日成詩三十首有傷心我

欲投東海之句其師張維楨見之慮語不祥果於是年

八月二十二日溺於平山堂下著有黃梅花館詩賦集

又有李天澂字公懷性幽摯不事繩檢家徒四壁蕭然

詩卷而已工書得晉宋遺意著有指鴻閣詩集新採

文治字舜敷號篔谷諸生工詩及小楷廉謹端方力行

為善迥不遇士論惜之又有丁家濟號庚三諸生幼

好易學搜購易經註本得百餘家彙編待刊城陷後散

失無存賸有六爻提綱一卷思古編並傳略

芮應鵬字雲伯諸生父昭多善行有厚德鵬幼工楷法

精詞賦道光十八年優貢考補覺羅正紅旗官學教習
在京供職二十三年長江不靖揚郡戒嚴念家有父母
積憂成疾卒於京邸同人歸其喪著有雲伯遺稿並爲
哀榮妻周氏苦節撫孤同治二年題請

旌表子曾麟同治三年舉人

新採

張鴻鼎字松暉道光十九年舉人聯捷進士授四川峩
眉縣卒於官幼與兄鴻璧皆以文名鴻鼎尤穎異貌樸
野操筆爲文立就未冠時卽工詩著有停雲軒詩鈔四

卷

行略

符葆森原名燦字南樵咸豐元年舉人幼工詩賦豪於

酒廣交遊嘗遊京師齊楚間以發其胸臆磊落之概而

詩益豪著有寄鷗館賦稿詩稿若干卷又選輯

國朝詩千餘家繫以小傳名雅正集卒年五十

行略

薛壽字介伯諸生性介直嗜學幼卽著揚州十二經師
頌以志嚮往入學後屢試優等學使祁文端公尤賞其
精於說文郡城書局先後延請校理嗣主講鄂省經心
書院越二年歸卒年六十一著有學詒齋文集詩集毛
鄭詩攷異若干卷

家狀

張榆初名棟字南雲廩生少有雋才豪於詩酒一日飲
大醉於坐上誦其送友人詩滿座爲之擊節咸豐二年

城陷禦賊陣正雅集著有尚友堂集

傳略並

任雲倬原名雲臺字漢卿諸生生平慷慨尚義朋友有急難走相救唯恐弗逮嗜學不倦尤邃於易工畫善行楷草書咸豐三年春粵氛告警雲倬性至孝以母不欲出遂舉家陷城內時城中乏食妻茅氏女三姑並以絕粒先卒雲倬憂食不繼乃攜子金詔投井死留絕命詩於壁著有周易諸卦合象考周易互體卦變考桃鄉精

舍文集一卷

忠義錄傳稿

姚九如字載賡諸生平生意氣豪邁咸豐二年粵匪竄踞瓜洲乃練勇於虹橋東側伺賊不意攻破土壕賊眾驚潰望風奔退不敢再犯以勞績保奏議叙訓導迨後虹橋不守郡城疊次失陷遂避居大橋東鄉蓬戶村居寄情詩酒著有鋤經室詩文集四卷含暉軒紀事一卷

行略

以上江都

管粵秀字南英號甌山祖一清乾隆四年進士由庶常改知縣補廣東增城縣以摘發鄰境伏莽計功赴部卒於旅舍粵秀生於廣東故名早孤幼穎異擅文名乾隆五十七年舉人屢赴春闈不售客京師最久後橐筆遊楚越間譽望日起晚年選奉賢縣訓導因病不能赴任

尋卒著有易義舉要春秋釋例辨甌山詩集八卷縣志並思

編古

黃文暘字秋平貢生素通聲律之學乾隆年間兩淮鹽政設詞曲局延為總裁成書進呈為詩清越高潔稱其為人壯年奔走齊魯吳越間泊返里後運使曾煥招入題襟館中與時流相倡和所作益多著有掃垢山房詩鈔十二卷妻張氏名因自號淨因道人亦工詩著有綠秋書屋詩一卷遺集一卷子金字小秋諸生夙承家學

並以詩名學經室集思古編

江藩字鄭堂監生少受學於元和惠棟吳縣余蕭客江聲博綜羣經尤熟於史事性不喜唐宋文每被酒輒自言文無入家氣人目為狂不屑也幼蓄書萬餘卷歲飢盡以易米作書窠圖志感一時耆宿題詠殆徧阮文達公元雅重其學督漕淮安時禮為麗正書院山長藩曾恭撰

純廟詩集注由大學士王文端公杰進呈

恩賞

御製詩五集後

諭召對圓明園值林爽文陷臺灣報至遂輟人惜其遇藩性仁厚輕財仗義急友朋之難窮困以終著有周易述補一

卷

國朝漢學師承記八卷宋學淵源記二卷隸經文四卷炳

燭室雜文一卷

思古編

程壽齡字漱泉自幼天姿超卓善屬文工詩詞繪事於白描人物尤精嘉慶三年舉人七年進士改庶常散館授編修洊升贊善任雲南學政回京適大考有權貴愛其畫索以素箴固不與左遷主事以疾終著有詩文集若干卷

行狀

羅士琳字茗香早歲精天算之學以天文生入欽天監推算道光初元日月合璧五星聯珠受知於肅邸為同輩所嫉不得官去之嘗東出山海關客汴梁楚中而至為通人名德所賓接而阮文達公元尤推重之事母孝性耿介咸豐元年舉孝廉方正未赴試三年粵匪陷城被害士琳以天算之書得周髀之精意者莫過秦道古之正負開方法與李銳之天元一術而朱松庭集其成皆通貫其術殫精竭思窮極窈渺著書至富其言秦氏之學有勾股截積和較算例其言李氏之學有勾股容三事拾遺三角和較算例弧矢算術補其言朱氏之學有四元玉鑑細草四元釋例演元九式臺錐積演算學啟蒙疏釋又以在欽天監時推十年交食用現行橢圓

法著交食圖說舉隅用監中推算日食坤輿圖法益以
新術著增廣新術又補宋仲子之七麻著春秋朔閏異
同補祖冲之之綴術著綴術輯補又因讀書而旁及算
術著淮南天文訓存疑周無專鼎考錄講貫天算之人
以續阮文達公之書著續疇人傳博能叢話總為觀我
生室彙稿所作駢儷之文以唐人為法尤工集句以為
談藝之餘名其集曰觀我生室贍稿

得且住庵文集
青溪舊屋文集

江懋鈞字季調年十六父歿母哀痛失明懋鈞涕泣之
餘強為懽笑以解母憂早補諸生試輒高等叔父藩以

僕學名東南所交多海內通儒每宴集懋鈞皆侍由是

問學口進性狷介不喜與貴游通書而里居則恂恂退

讓教授生徒成就者眾著有詩經釋義二十卷爾雅旁

證八卷鴻奇齋古今體詩八卷子璧同治三年解元聯

捷進士曰江西進賢知縣

行略

葉規庭號竟亭貢生早負俊譽為文構穎無與抗者屢

困場屋家益貧蕭然敗堵惟飲酒賦詩而已子貴曾字

酒生諸生天性純厚亦善詞賦父子著述兵燹後多散

佚又有文汝梅字用和諸生詩才清逸著有香月廊詩

集二卷

傳略

李周南字冠三號靜齋嘉慶六年拔貢十二年舉人十

九年進士以主事籤分刑部到部方浹旬以母老乞養

歸侍闈五載丁母憂哀毀盡禮服闋以子幼展墓無人

決計不出居家教授生徒一時推為文章宗匠後

袁浦以微疾卒年七十二一著有洗桐軒文集詩集

王峻字春江嘉慶十八年副貢才思英偉博涉經史兼

貫天文工繪為股奇門之學鄉里義舉尤樂贊成子恂

字伯蔚真牛天性孝友工為文著有桐月山房文二卷

蓮溪詩賦二卷新探

黃兆宣字瑞堂號蔗塘首生天性誠篤讀書必究根柢

秀依後進四方從學者眾成就著有橋西一草堂前

後詩集十二卷尚友錄二卷讀史評一卷蔗塘隨筆二

卷子庭範另有傳狀

鄧立誠字溥泉嘉慶二十四年舉人倜儻有才思善屬

文精文選理博覽經史於兩漢地志尤詳性高曠不喜

偶俗五十餘以貧病終所著書及詩文皆散失又有李

澄字練江號夢花貢生書法魏晉文精唐宋人格律著

有春秋左氏全書人鑑淮澨備要夢花雜誌詩集文集

若干卷張春雷字安甫諸生屢試不第遂肆力於古文

辭精書畫耽吟詠輯有古文分體簡鈔古文體製摭言

著有香月山房詩存畫解隨筆畫論題畫草雜著諸書

思古編

王詔字殿揚諸生居赤岸湖家有望湖草堂與阮文達公歸田後所築萬柳堂相距不遠往來過從倡酬頗多子開業字子駿廩生工文詞有時譽藏稿百餘篇待梓開益字學左亦諸生著作甚富避兵往來淶洋湖作淶洋小記凡有關於時勢風土者悉著於篇

傳略

薛傳均字子韻諸生少工駢文喬麗冠儕輩博覽羣籍強記精識沈潛謙退不以所能自高十赴鄉試輒報罷以家貧就福建督學陳用光聘用光見所著書恨相見晚旋以疾卒於汀州試院年四十一傳均於十三經注疏及資治通鑑功力最深於說文鉤稽貫串洞其義而熟其辭嘉定錢大昕文集內有說文答問一卷深明通轉假借之義傳均博引經史以證之成說文答問疏證六卷又以文選中多古字條舉件繫疏通證明為文選古字通十二卷其客閩也編所賦詩為閩遊草一卷

舊屋文集
安吳四種

楊亮字季子監生少保敏壯公捷五世孫亮早工詩古文詞取法漢魏游京師從大興徐松受西域輿地之學孳究精審松謂其學有替人曾千里歸故友之喪人尤高其行誼咸豐三年粵匪陷城絕粒死著有蒙古道里

考園城日記世澤堂詩文集

安吳四種得且住庵文集

吳康字少文監生閉戶讀書以詩酒自娛著白茆草堂

詩鈔又有潘輔之字敬敷嘉慶十二年副貢咸豐二年

賊竄郡城倡義防禦積勞成疾卒年七十六著有庸行

錄及菜根香詩集沈慶字心盒素有棋癖詩筆清雋粵

匪陷城絕粒死

正雅集并新採

吳慶恩字蓋山諸生幼隨祖官河南未弱冠作洛陽懷

古詩驚其長老工為樂府詩每酒酣耳熱鬚眉欲動談

先朝掌故不輟後進恆樂與之遊咸豐三年城陷被害

死著有毛詩辨證麗則堂詩四卷

略傳

汪承元字慕杜道光十五年順天舉人咸豐三年進士

改庶常授職編修九年典試浙江以會辦五城團防保

升五品京堂生平篤信宋五子書伉直有氣節尤喜引

掖後進書宗平原為詩專慕少陵因以自號卒年甫五

十

新採

趙煜字松埏道光十九年舉人五試禮部未售主試者

知其能文欲招之見婉謝之素從事經學小學無意進

取嗣入淮南書局校榘經史分纂韻詁多出其手卒年

六十二著有說文今韻啟蒙及紅薇館詩鈔

略行

張舒字丙生廩生師事焦循博稽經史為文恥務時趨

屢躡場屋遂絕意進取益肆力於古著拙齋古文一卷
又喜論史事有論唐史詩一冊以雜體附於後皆兵燹
後門人掇拾於灰燼者也傳略

以上甘泉

團維壙字椒燈乾隆三十六年副貢十歲善屬文長工
詩古文詞邃於經學年七十任含山縣學訓導著有春
秋衷一小畫山房詩鈔縣志

晏能遠字蘭谷廩貢生篤學勵行工文詞書法專摹晉
唐致力最深拇指致爲之側尤善擘窠書邑中碑刻多
出其手著有虛白草堂詩鈔縣志

程贊和字中之乾隆四十二年拔貢授職教諭嘉慶十
四年以弟贊清官得貤封翰林院編修晚年贊清致仕
歸同居唱和郡中善舉輒先倡事成不言功道光十七
年復值選拔期延後進爲前後同年會士林稱盛著有
燮齋詩八卷詞一卷卒年九十家傳

吳夢雷字震乾貢生少喜讀書慎然諾重交遊鄉里子
弟師事之舉孝廉方正不就嘉慶六年

欽賜舉人道光二十五年

欽賜翰林院檢討卒年九十一

狀略

呂彩字江花乾隆五十三年順天舉人家貧好學工爲

文尤精性理諸書嘗語門弟子云過欲存理爲人生急務文藝其末也纂修縣志頗資贊襄之力選懷遠縣教諭致仕後杜門課徒不預外事著有求是齋詩文集二

卷家傳

吳珩字梅溪工詩少時遨遊江淮間晚歸里與友人觴詠稿多散失存數十篇刊爲梅溪遺稿子文濤字魯山亦好吟詠年七十外手錄成帙題曰自怡稿孫鋼諸生早卒鎧字梅孫道光五年舉人亦以詩名著有鐵研山堂文詩集并外集雜著若干卷

縣志並新採

方本字立堂乾隆五十四年舉人五歲能辨聲韻游庠後試輒冠軍曾與諸名宿同登梁文選樓賦詩紀事一時稱盛性耽圖史尤精音律晚年闢屋東偏爲藉綠軒與士大夫觴咏其中卒年六十八子仕燮仕倓俱諸生弟谷字蘭嶠與兄本同榜舉人時稱二方生平潛心鄭孔疏傳兼研語類性理諸書晚年杜門謝客葦簾綈几晏如也卒年五十子仕煥諸生

家傳

詹肇堂字南有號石琴乾隆六十年舉人蚤歲博洽經史詩學晚唐詞以玉田白石爲宗運使曾燠聞其名延入幕與題襟館諸詩人共樹旗鼓詩載邗上題襟集著有心安穩室詩十一卷詞四卷子鑰錄俱諸生有文譽

孫嗣賢同治十二年舉人聯捷進士官庶常嗣勛廩生

略傳

吳文傑字晴峯諸生工文詞兼精書法性至孝親歿築

廬墓側不入城市者十年著有望鶴軒詩文鈔二卷偶

寄堂詩鈔一卷子天保字定堂亦工詩

略傳

汪潮生字汝信號飲泉乾隆六十年副貢未冠即以才

名再試不得志遂棄舉業恣意詩酒偃卧一室顏曰冬

巢自號冬巢居士身清瘦如鶴工設色為沒骨花卉秀

色可餐晚年專工填詞所學尤精卒年五十四著有冬

巢詩集八卷詞集八卷

新採

汪錚字鐵夫嘉慶六年舉人工平務為根柢之學好讀

三禮尤耽左氏手錄春秋大表三編於氏族輿地辨

論明析卒年六十三著有三禮異同考證十四卷三傳

異同考證十四卷子穀諸生幼爛經史工書法和另有

傳秦道光十四年副貢攻小學著有味行齋隨筆一卷

略傳

徐宣字德三嘉慶六年舉人大挑知縣親老改選淮安

訓導嘗手錄周官義疏繪列井田宮室各圖制多補先

儒所未備弟宜諸生工書法子芝起道光五年拔貢孫

鉉二十六年舉人

家傳

卞萃文字遜齋諸生事父母以孝聞誠篤嗜學潛心宋五子書居恆未嘗欠伸跛倚接人處世謙恭和平爲里鄙所矜式每善舉多賴贊成著有遜齋詩文集卒年七十七行

陳文憲字方解嘉慶六年拔貢工書得董文敏筆法事繼母黃盡孝邑中舊有節孝祠地甚隘爲請移建並采訪歷代節孝貞烈姓氏咸入祠焉後留京邸不數年卒

於旅次縣志

戴清字靜齋貢生性耽典籍異同疑似尤所究心著有羣經釋地十卷雙柑草堂古今體詩八卷古文二卷駢

體文二卷經史管見四卷史記說苑新序正誤各一卷

韻辨二卷左氏兵法集證二卷子文超文起文越俱諸

生傳略

陶鐸字醉石貢生廉介簡潔文筆古峭工書得顏魯公

法家居以禮教後進見者肅然子璋字少石嘉慶二十

四年副貢能世其學縣志

李斗字艾塘諸生博學工詩通數學音律著有永報堂

詩集八卷艾塘樂府一卷晚年以疾食防風而愈名所

居曰防風館所作揚州畫舫錄十八卷於名勝園亭寺

觀風土人物蒐採詳贍阮文達公爲序其集思古編

汪光熾字晉蕃諸生棣子少承庭訓習聞諸老宿名論潛志讀書博通經史著有蕙稗釋一卷又辨惠氏易爻辰圖之謬卒年四十三弟光烜字掌廷亦諸生生平無聲色嗜好家有小園略值花樹時於其中以書史自娛工爲詞清粹婉密以白石玉田爲宗著有蕪村詞二卷

卒年六十

漢學師承記并傳略

許珩字楚生諸生工爲古今體詩宗法唐人著周禮註疏獻疑釐正搜剔足爲鄭賈功臣又有羅克榮字耀堂諸生質魯力學晚年尤究心性理著有毛詩集解石椿字大年監生幼肆力於詩古文詞兼精書畫著有叢蘭

山館集清華堂集注棟字建堂貢生爲詩能見性情著

有玉樹軒詩鈔二卷

新採

李祖祐字維之諸生少穎異讀書下數十行究心皇極經世之學得其微奧爲人爽直誠樸篤於孝友敝衣落拓口不言貧著有待用編弟祖祐字受之亦諸生博學強記於大學衍義宋五子書致力尤深屢試不售質志

以歿

縣志

劉文淇字孟瞻嘉慶二十四年優貢父錫瑜習醫業以厚德稱文淇學綜羣經尤肆力於春秋左氏傳嘗取賈服鄭二家之注疏通證明以正杜氏之失著左傳舊注

疏證八十卷又著左傳舊疏考證八卷據史記秦楚之際月表謂項羽曾都江都著項羽王九郡考一卷十八王分地考二卷又據吳越春秋水經注等書謂唐宋以前揚州地勢南高北下東西兩岸未築隄防與今運河形勢迥殊著揚州水道記四卷又著青溪舊屋文集十卷詩一卷讀書隨筆二十卷卒年六十六子毓崧字伯山道光二十年優貢父子並膺是舉毓崧幼從父受經長益致力於學以文淇故治左氏學續述先業著左氏傳大義二卷又以文淇嘗考訂左傳舊疏因承其義例著周易尚書毛詩禮記舊疏考正各一卷又著經傳通

義十卷史乘通義四卷諸子通義四卷論次劉氏先世

有學行者著彭城徵獻錄十卷舊德錄一卷又著通義

堂筆記十六卷文集十六卷詩集一卷卒年五十子壽

曾同治三年副貢貴曾富曾顯曾皆諸生

家傳

方震字應韜廩貢生候選訓導性灑脫不設城府詩文

高潔爲時流所重弟成憲廩生亦通天文地理術數之

學子鼎錄咸豐元年順天舉人官陝西知府

傳略

黃盛修字永思道光元年舉人父日時鄉里稱長者盛

修學博才瞻書法初師劉文清公後直造顏魯公之室

工詩喜游名山水卒年四十九著有來雉齋詩文集

墓誌

汪恩沛字澍田廩生先世素封有別業於郡城南門外

高宗翠華臨幸

賜名九峯園中落後就園側僦屋而居力貧讀書著有文稿未

梓子鵬諸生

縣志

阮亨字梅叔昭勇將軍之孫文達公族弟嘉慶二十三年副貢幼以蕉花曲得名壯年詩學日進著有珠湖草堂詩鈔瀛洲筆談咸豐元年舉孝廉正不就晚遭兵亂境益坎坷而吟興不衰卒年七十

傳略

吳士榛字配苓廩監生篤學嗜古

古文盤曲有力

書法南宮得其神似兼精岐黃術

姚瑩任臺灣道

延至幕中逾年而卒

傳略

陳泰字東巖諸生苦志績學於經史多所發明嘗輯邑中軼事為真州所知記又有陳傳洵字少泉廩生幼承家學披吟不倦工書法著有日光齋文詩集祭文焜字朗夫諸生家居孝友課徒自給著有安素堂文集

縣志并新

方震時字敏安道光二年舉人公車七上不售晚歲無意仕進與兄震舉素相友愛因就舍旁隙地灌花種竹觴詠其間著有茗庵詩文集

傳略

汪際昌字名時歲貢生道光二十六年

欽賜舉人

工制藝邃經術居家授徒成就甚眾倡修文昌祠挑
濬外泮池科名由此益盛邑人稱之著有韻辨一卷鄉

黨經註二卷

縣志

程兆棟字玉才廩生性拘謹與人訥訥如不出諸口爲
詩文博麗終身不遇無怨尤色著有臥松書屋存稿若
千卷咸豐三年二月城陷從容賦詩以家人入口闔門
殉難是爲三月二十三日也子慶燕字又庭諸生隨父
殉守謙亦諸生均工文藝能世家學

新採

程焜字光樵號可山廩貢生孤貧力學文名噪起嗣以
不遇奉母歸歛縣故里教授生徒多所成就晚爲福鄉

曾文正公延致金陵嗣以老疾辭歸卒於家年八十所

著詩文不自編集遭亂後遺稿藏門人程桓生都轉家

新採

張安保字懷之號石樵歲貢生選候訓導少貧力學有
文譽交游多賢豪士尤留心當世之務儀邑修理學宮
考棚改建節孝祠崇節堂皆力贊其成晚年絕意進取
著述益富構西崦草堂爲終老計猝遇賊警斫傷額角
幸無恙同治二年就養京邸未逾歲卒年七十三著有
味真閣詩鈔已刻十二卷板燬於兵味真閣文鈔四卷
駢體文鈔一卷清暉堂詩話四卷稿亦并燬僅餘晚翠

軒詩鈔待梓子丙炎道光二十四年舉人咸豐九年進

士翰林院編修官廣東廉州府知府行述

陳輅字樸生嘉樹子道光二十四年舉人素性澹泊不

務聲華肆力經傳確有心得尤癖嗜醫家言手錄靈素

傷寒諸書積帙盈尺著有漢簡斟字蒙璆室文集傷寒

明理論贅語印譜一卷說小七篇弟韜字象衡咸豐六

年進士授戶部浙江司主事生弱而慧與兄輅同受家

學善八分書醫學亦與兄埒貌癯而不潤中歲偃蹇處

之坦然遇戚友窮乏者周給不遺餘力運使劉良駒聘

修兩淮鹽法志遭亂未竟其功著述亦多散佚軹字宜

頌諸生署崑山贛榆縣教諭性誠樸不苟居常茹素存

心濟物每為人謀必忠或受給而不悔兄弟皆敦品勵

學卒未永年時論惜之傳略

王僧保字西御諸生性伉爽不徇流俗工詩古文辭居

郡城西隅古巷於其南半村築松西書屋雜蒔花竹吟

嘯其中咸豐三年郡城陷賊毀其書屋歸故居從容賦

詩七十餘首八月間絕粒死著有秋蓮子詞三卷西御

詩存一卷暫園集一卷爪雪集一卷焦山紀游草一卷

論者評其陷城時詩謂忠憤之忱足繼少陵編為圍城

詩一卷子建和工詩善畫著有宜秋館文略僧保歿後

亦自刎死

傳略

王翼鳳字句生廩貢生僧保弟少慧有文與僧保齊名治經通左氏春秋客浙江學政幕者十餘年僧保殉難揚州翼鳳方客浙中咸豐十年二月杭州城陷翼鳳至肇慶府知府程葆旅寓以詩文稿三冊交其僕並屬收骸骨從容賦絕命詩與葆對縊於堂著有舍是集聲遠堂集若干卷

卹

贈國子監學錄

浙江忠義錄并事略

楊贊勲字竹書道光二十四年舉人咸豐三年進士官刑部主事工詩文篤於內行著有見聞錄省心錄紅杏山房詩草卒年未五十

採

方申字端齋諸生少孤家貧以孝聞治經學於周易最精著有諸家易象別錄一卷虞氏易象彙編一卷周易卦象集證一卷周易互體詳述一卷周易卦變舉要一卷為易學五書

新採

劉蘊輝字玉生諸生少讀書務為有用之學會遭粵寇遂棄舉子業間關戎馬間又疊遭父母喪以其所感慨者發之於詩卒年未四十著有虛白齋詩集二卷

新採

以上儀徵

夏味堂字鼎和號澹人之蓉孫乾隆三十年拔貢四十

續纂揚州府志

卷之十三

人物文苑

五

二年舉人篤於內行晚年無意進取以桑梓公事爲已任卒年八十一自訂詩古文若干卷弟紀堂字秋室諸生耄猶好學著有易經集說左傳大成古茶移遺文桂堂字金雪廩生亦工詩詞著有金雪詩存子齊林字勉齋嘉慶十八年拔貢道光元年副貢讀書好善有父風

思古編
並新採

宋綿初字守端乾隆四十二年拔貢歷官五河清河縣訓導邃經術尤長於說詩著韓詩內傳徵四卷子保字定之廩生精聲音訓詁之學著諧聲補逸二卷

事略

沈在廷字楓暉業富子乾隆四十七年舉人學究訓詁

詩古文詞修潔古雅不爲繁縟之聲著有經餘書屋詩

新採

吳兆萱字孝芳乾隆四十八年舉人幼失怙恃事繼母李以孝稱邑有災賑經營竭力請闢海口濬下河疏陳事略大府多采納焉晚官金壇縣訓導著有詩文鈔四

卷子榮錦諸生榮黼嘉慶二十一年副貢

州志

金蘭字晚芳號湘谷乾隆五十四年拔貢考取八旗官學教習性不諧於俗晚號碧雲居士學詩於錢大昕翁方綱著有湖陰草堂遺稿四卷

思古編

吳鑲字念劬乾隆五十七年舉人博涉經史尤精三禮

學子楚淇諸生書法妙一時與人不苟取有少贈必以書酬之與邑人創建喬公祠

州志

宋茂初字實甫乾隆五十九年舉人官宿州學正道光元年薦舉孝廉方正力辭不就初胡文恪公視學江左拔揚郡才器之尤者十人茂初居首嘉慶十年水災作詩紀事達大府聽因為請賑於

朝晚主講珠湖書院道光二十一年重游泮水著碧虛齋

詩集年逾八十終

新採

談文煥字硯胸嘉慶二十四年舉人賦性耿介課讀自給大挑選蒙城縣訓導以父喪未赴繼選崑山縣教諭

在任十年咸稱長自有著有硯胸吟稿子人樞道光二十

三年舉人

傳略

董之醇字仿川道光二年副貢五年舉人敦品力學生徒多所成就著有仿川詩集子翰池汝勳俱貢生

新採

張經號榮畦道光二年副貢八年舉人奉母得享大年素性恬淡課徒自給二十九年重游泮水卒年九十有

二新採

詹汝謙字受茲道光十二年舉人幼穎異試輒冠軍侍母疾衣不解帶者數年仲弟卒京邸數千里歸其喪生徒成就者百餘人晚年主講珠湖書院著有漢易折衷

春秋摘義梓香書屋詩文集

家狀

徐賦鹿字荔裳監生幼沉毅好學六歲失怙事母盡孝娶王氏十餘年不育買興化某氏女爲妾當夕之際知已受某氏聘焚其券以遣之王亦旋生二子晚年以教子自娛著有易學闡要二卷小學珠塵四卷子賓字小坡幼穎悟讀輒過程旣長淹貫經史尤精於古學著有木樨軒詩賦鈔六卷蚤卒

新採

高忠慶字敬修號古迂諸生父鵬性豪嘗三至西泠極游觀之勝不營生產家遂中落壽至八十忠慶孺慕不衰兄弟同居友愛如一日卒年亦七十外著有古迂詩

鈔又有王鑑號羽門諸生敦品力學精於岐黃與同里

劉存愚金南圃結爲婚姻年皆八十子大江諸生亦年

登大臺劉寶忠字存愚與王鑑相善尙志安貧善書工

詩著有老餘詩鈔

州志並新採

沈銘字書常號江村廩生生有雋才好獎誘單寒多藉以成名者著有江村吟草弟鈞字方鐘號鳧村歲貢生詩文與兄齊名精算數嘗創製星球著有星球地球圖

說州志

金鳴鸞號澹菴諸生少承祖訓與兄嘯厓銳志攻苦兄歿撫其子成立生平安義命接人尤謙冲渾穆著有愛

春華館詩詞集

傳略

徐溥字德川弱冠入學文譽噪一時膺疾指不得伸兼耳聾以諸生終著有腋史若干卷訂正精鑿不囿舊說

州志

雷士俊字伯顛諸生居艾陵湖濱品學端粹初習舉業嗣專力經史百家之說著有艾陵文集二十卷入祀郡

學鄉賢祠

新採

韓鳳儀字翔虞諸生父早歿母盡孝家貧嗜學工書法手錄經史詩文積盈篋著有課閒堂吟稿精岐黃術

編葺萬方滙覽八卷

新採

薛國慶字雲侯諸生幼時為文極敏省試久不售橐筆遠游幾徧天下年老歸里樂善舉遇節孝事輒助貲出力著有紅杏軒游草趁間錄榴軒詩文集子成榮官河

南知府

墓誌

孫應科字研芝廩貢生邃於經學工文詞築一室藏其先世書版榜曰書窩寶應縣治南有八寶亭久圯應科掘得舊碑募貲重建著有半吾堂文鈔又輯孫氏事蹟遺詩為猶存集

新採

胡泉字杖仙諸生父鎮樂善好施時稱長者泉天資純粹究心濂洛之學而於明文成全書用力尤深嘗謂

文成固尊德性而不廢問學與朱子辭異旨同著有陽明書疏證四卷陽明經說一卷經說弟子記四卷大學古本薈參一卷晚年官蕭縣教諭孫爲霖事孀母孝工詩著有新柳草堂小稿新採

夏振采字受田號雙樓諸生工吟詠著有雙樓詩鈔六卷雜文二卷子寶晉另有傳又有李符俊字恂齋貢生性純謹著有蝸隱齋詩集羅詠字二酉廩生究心於音韻之學著有鼎頤詩集楚詞正音四卷李本字葆元諸生工詞著賸紅堂詞草二卷陳理祥字吉人諸生工書法能於寸幅中寫天地全圖著有南園文稿州志并採

夏崑林字治卿廩貢生紀堂子少有文名嘗搜輯先人

遺集及鄉前輩詩文梓而傳之晚年以詩文自娛著有

槿花村詩詞卒年七十九子子猷同治二年優貢官山

東知縣新採

王敬之字仲恪貢生文肅公安國孫念孫子曾搜葺祖

父遺集付梓平時於遺聞軼事尋訪不倦著有小言集

詞宜略識字齋雜著新採

周敘字兩窗貢生性耿介不妄取幼喪母事父極孝家

有屋讓兄居之友愛終身平時以表闡幽潛爲己任葺感舊前後集耆舊詩詞邑中之先輩多賴以傳著有兩

隱詩文存道光三十年舉孝廉方正辭不就新採

茆泮林號雩水廩生力學好古嘗輯古逸書十種阮文

達公為之序編訂孫莘老年譜並著巽社餘聞家徒四

壁惟日著述為樂新採

金長福字雪舫貢生父芸工書法長福幼聰慧眇一目

博洽經史尤深選學屢試不售淡於進取然好學至老

不倦著有廣陵新舊事小墨莊詩話及駢體古文古今

體詩數十卷咸豐三年後揚郡二次失陷與當事辦團

防盡力保奏以教諭加提舉銜卒年七十五新採

陳時升字隨軒道光二十三年解元幼失恃事繼母以

孝聞著齡通諸經既長博覽典籍寢饋史漢後因重聽

無意進取授生徒以自給居家以嫻睦勉其族黨主講

珠湖書院十餘年課士尤以敦品力學為先卒年六十

二三著有游淮草四卷雙梅軒文存詩存各十卷遊皖草

一卷又與弟副貢生時泰同著過庭餘聞四卷新採

李惇敘字澄伯廩監生為文力追先正試輒冠軍引掖

後進多所成就卒年未五十遺文散佚又有吳鬢字宇

千廩生李澄源字秋江諸生孫愉字民懷諸生皆工為

文以未遇蚤卒思古編并新採

以上高郵

徐步雲字禮華幼機警風神玉立工詩古文詞書尤精妙楷似樂毅論行似聖教序乾隆二十七年

召試舉人

授內閣中書軍機處行走緣事遣戍伊犁以分校四庫全書復原官尋落職歸移家秦州杜門吟誦齒踰八旬尚能燈下作小字詩文華映一如壯時卒年九十三著爨餘詩鈔子鳴珂字竹菴監生八歲卽爲擘窠書詞賦詩文皆有父風填詞音律嚴密格仿玉田著有硯北

花南吟草

縣志

顧鳳毛字超宗九苞子乾隆五十三年副貢少受經於祖母年十一通五經著有毛詩集解楚詞均考入聲均

考績學早逝士林惜之

略傳

李時字皇望貢生法子幼承父教聲雋鬢序著香雪樓詩文詞賦鈔子鳴字宗復廩生敦行孝弟淹貫經史性樸直不妄交書法險勁似柳能懸肘爲蠅頭楷著坐花草堂詩文集孫步墀字丹九諸生才思雋異工寫山水蘭竹以水墨勝晚精隸書著揖旭山房詩稿

縣志並新採

符旌字浚城貢生爲文古雅詩工近體性高曠不屑求田問舍賙戚友傾囊無所吝中年家漸落晚甚貧困豪氣不少挫嘉慶元年官廬江縣訓導紳某武斷鄉曲旌與縣令發其姦狀懲之一邑稱快著有微吟小醉山房

詩鈔弟旒字次崖廩生幼通脫習拳勇十六歲始折節讀書一目數行不數年與兄齊名尤遂於經門下士以疑義相質者有問必答若注射然

縣志

顧麟瑞字仲嘉九苞次子嘉慶六年拔貢天才穎異性豪邁恥治生產善詞賦工隸書著篋管館詩集子繼春字石安諸生幼承父教喜爲詩不屑攻帖括邑多水災每當湖溢隄潰老屋浸水中欲圯而拈題分詠豪氣不衰著小篋管館詩鈔微雲館詞鈔繼華字子清性狷介不偶俗日與兄弟輩閉門唱和或默坐一室而已著拳鷺軒詩賦鈔繼榮字君彥廩生性沈默所爲詩文品格清雋著觀奔山房詩賦鈔孫驪字唐坡道光二十四年舉人性疏曠有才辯家無儋石儲洒如也嗜學工詩尤精小學著說文證義楚辭正韻劍花館詩鈔顧氏世以詩鳴幾比之王氏過江人人有集云

新採

顧仙根字藕怡諸生風神清雅工爲文書法晉唐詩學尤邃冲澹古樸不作風雲月露語運使曾煥曾延致題襟館中唱和極富著藕怡詩鈔紀荒詩略弟同根字蓮溪諸生亦善詩文尤工畫法早卒著有蓮溪文鈔半綠

庵詩鈔

縣志

徐昶字秩南諸生少從舅氏任侍御大椿質經史疑義

習句股算術悉能淹貫最精於詩各體兼長著大西山房詩鈔

縣志

黃岡字仞千歲貢生家酷貧終日把卷丹黃務考據之學必折衷以求其是考工記制度毛詩鳥獸草木辨之確鑿象緯方輿尤剖析如指掌卒年近八十無後著述多就散佚

縣志

朱晴嵐字曉峯諸生性通敏讀書一過卽明大略年九十猶每日於未明起挑燈獨坐誦聲琅琅尤潛心於音韻反切著有韻學津梁十三經字音訂訛等書一生孤介自守身無遺行不喜釋老陰陽之說作闢邪論一卷

以正之又有顧階升字晉齋諸生能詩多奇句晚工漢隸遒勁高古卒年八十餘著有八分書屋詩鈔顧進字彥湘廩生文有奇氣工書嗜詩暇日與里中諸人談藝源流正變瞭如指掌而風儀秀朗吐詞雅暢聞者心折卒年八十餘門人輯彥湘詩草付梓

縣志

薛聯元字琴谿歲貢生詩文書翰兼擅其妙年近期頤猶朝夕手一編以邑乘年久不修乃譔志稿未終而病革命子樹聲續成之子樹人字百穫諸生敦品力學工書法精篆刻尤篤於孝友樹聲字楓坪諸生事嗣父母亦以孝聞白首兄弟友愛無間工詩文書仿孫過庭咸

豐初元續刻縣志樹聲編纂之力居多著有歷代紀元

雕蟲集半畝園詩鈔四六彙鈔若干卷縣志并新採

楊為鳳字桐岡諸生人品端謹工書能詩文著有蒼巖

文集濟陽花圃詩鈔新採

徐慶升字受堂諸生父履泰乾隆十八年拔貢文華瞻

工書翰蚤卒慶升人品高逸嘗游粵東訪其山川風俗

發之於詩著有灌書堂詩集縣志

卜嵩字鐘峯號籜園諸生幼耽風雅填詞亦工著籜園

詩詞鈔同時有江光彥字筆山諸生能文偶為篆刻亦

奇古詩稿多佚惟渡海十首至今傳誦新採

任桐岡字竹實桐陽字椅園俱貢生同胞兄弟品端學

裕文行卓然邑中高才生多出其兄弟門下學者稱二

任先生又有任蕃字牧生貢生工為文及小賦古近體

詩皆簡潔高秀授徒自給俊髦多出其門從姪大樟詩

賦亦精尤工長慶體新採

顧欽文字敬堂諸生梓子天性孝友終日讀書靜坐足

不入塵市而豪俠重義調戚黨不少吝為文疏瀹性靈

駸駸入古詩有奇致著履善堂文稿吳穀人祭酒亟賞

之特為之序命付梓以行世同時有朱灼字蕢實諸生

與欽文會文課藝下筆力追先正不落恆蹊著旌直堂

詩文稿

新採

李年字幹夫號蓬觀諸生時曾孫性孝友篤於故舊飢寒者調濟不少吝有女孫乳婦不得於姑賺其歸賣之婦號泣來告年傾囊贖之復給資養之以全其節金陵畢某寓於興窮老多病年贈遺既厚及歿經紀其喪生平好古多聞文必徵實不喜為浮華語家譜久不修輯徧訪江南北族人錄其世系書垂成而卒著有春秋大事始末辨香書屋詩文集子被道光十七年拔貢

家狀并錄

陸世用字湘雪諸生生有異稟日晴皆碧讀書一過不忘

詩古文辭俱有奇氣賦得庾鮑神韻著有湘雪詩賦

文鈔

新採

黃巨卿字金鄉嘉慶十八年拔貢一生績學不輟尤長

於經著有綠綺堂文集

縣志

解履鰲字凌滄貢生品端學純為文規臬先正延師者爭聘之成就甚夥與人交坦率無城府而遇事不可輒義憤形於色道光二十八年歲荒邑人進查稻策力爭不得鬱鬱遽殞當事悔之遂罷其策後咸豐六年歲大祲積穀甚多人咸賴之弟起鰲字雲舟道光十一年舉人幼質魯賴兄教之成名績學能文善教後學時論重

之名與兄埒縣志并新採

胡良瑚字葆光諸生以行稱於鄉里善書能詩著有曷堂存稿又有姚繼聲字瑟餘道光十五年副貢讀書強識於注疏中有疑義輒與友人任熙相質證往復辯難幾二十年遇藏書家所有解經釋文條例借鈔殆遍熙字文鏡貢生品行高潔於書無所不窺尤深於春秋三傳及三禮熙與繼聲兩人治經學有年皆年甫五旬而歿故所作不傳縣志并新採

趙閣中字沅芷道光二十四年舉人詩文峭拔靈秀齒逾五旬始登賢書一上公車罷歸病卒著種蘭草堂詩詞文稿從兄慎修字竹塘廩生少與閣中齊名著蘭桂

山房詩稿新採

鄭鉉字景堂諸生口吃耳聾而讀書通大義孜孜好學至老不倦性尤好善手輯先正格言身體力行工畫蘭竹石得其伯祖板橋大令法咸豐六年粵寇再陷郡城罵賊不屈率孫女翠雲投井死年七十六新採

以上興化

楊景漣字篁坻諸生居東鄉決溪村修竹數畝中構草亭性孤介攻苦力學自經史百家旁及堪輿星卜之學靡不研究著有六經辨疑種竹山堂詩集思古編

朱彬字武曹乾隆六十年順天舉人幼有至性年十一喪母哀如成人治經確有心得於訓詁聲音文字之學用力尤深家居纔足自給而周郵族姻不少怠道光十一年水災倡捐施賑存活無算著有經傳攷證禮記訓纂遊道堂集白田風雅集卒年八十二子士彥另有傳

新探

陳鈺字冰壑歲貢生家貧以教授自給喜爲詩與從兄銑齊名治小圃北城下開池種樹亭館皆覆以茅東與環溪畫川一水相接著巢園集銑字淵源諸生著鳩柴集又有朱經字慕亭諸生敦學篤行臨河構書齋數楹

與賓朋觴詠其中著有燕堂詩鈔

新探

喬載繇字止巢廩貢生性冲淡三十外不與秋試自手一編工擘窠大書行草入米董之室著有妙華仙館詩二卷學讀書齋詩二卷裁雲館詞二卷子守敬另有傳

思古編

陶蔚字虎文諸生官咸陽縣丞志清高不屈於勢以詩語獲譴於上官遂罷職放游三十餘年學爲古近體詩著有唱和新編爨桐餘響二集

思古編

成載宣字郇伯諸生性伉直少工制藝既長從事輿地之學於酈道元水經注疏證尤詳五十後乃攻象緯凡

日躔中星之歲差左右旋之遲疾五星之順逆留伏高卑盈縮皆能究其所以然思古編

朱毓楷字幼則九歲喪父事母盡養著有讀書解義於曾子十篇及許鄭朱子之學研究甚力卒年五十一採新

祁式璟字幼平廩生精小學著淮南子高注釋音又按方言獨斷諸書同時有廩生張荔生字薜園著毛詩鄭

讀考年末三十卒採新

劉彥矩字稚常嘉慶十三年舉人聯捷進士官國子監學錄幼孤貧秉母教居官勤慎日手一編性節儉治家嚴而有法著研秋齋筆記詩文集縣志并傳略

朱士端字銓甫道光元年舉人考充右翼宗學教習選廣德州訓導清廉自矢教士有方未幾引疾歸精於許

氏形聲之學嘗以二徐本互校擇善而從不擅改原文所斟正金壇段氏刪改之失甚多又以鐘鼎彝器諸文

考合說文所載古籀各體并精確不磨晚年閉戶著書窮年矻矻所已刊行者彊識編說文校定本宜祿堂收

藏金石記吉金樂石山房文集詩集共若干卷採新

喬守敬字靖卿載繇子道光十七年舉人幼聰慧稍長爲文驚其長老鄉舉後猶授讀自給後學多獲裁成著有羨塘文錄金陵遊草皖遊草東淘漁唱紅藤館詞心

畫詞鈔若干卷

新採

王希蘭字少亭諸生幼有至性篤於孝友訓課生徒循循善誘著有紅蘭山館倡和集少亭詩鈔寶應循吏續志漢魏識小錄若干卷同時吳曰鼎字古亭亦工詩居城東茅舍數椽怡然自得王嘉生字子休歲貢生嵩高少子咸豐元年舉孝廉方正辭不就著有數帆軒集一

卷

新採

以上寶應

程選青字綠野盛修子乾隆十八年順天舉人年五十赴禮部試歿於淮安途次子應佐嘉慶十二年解元著有願學編孫紹昌字文伯廩貢生少與從弟宇光及姪

祥棟祥芝齊名州人有四程之目所為詩文涵濡經史

矩矱漢魏工書得李北海法著有春暉草堂詩集宇光

祥棟另有傳祥芝字小香道光五年優貢

州志并新採

沈光祖字繩之貢生善屬文晚年銳意為詩著有雙松

閣詩稿子謙字君撫湛深經術兼工詩文乾隆四十九

年進士歷官福建羅源南靖上杭長汀縣知縣政績俱

著後知浙江嵎縣

州志

宮為坊字言可乾隆四十年舉人博學工詩文尤深史

漢之學後進多賴以成就著有史記質疑目耕居士詩

鈔同邑蔣斌字左宜廩生湛深經術尤精左氏學朱晉
字唐封歲貢生爲文沈博絕麗並教授生徒遊其門者
多掇巍科云州志

吳伊訓字步尹歲貢生幼善屬文日成十數藝入庠後
試輒冠軍游其門者日衆卒無嗣門人殯之刊其遺稿
一卷又有劉芳字湘南亦歲貢生貧無家室讀書郡城
安定書院數十年卒於齋舍同舍生張馨斂以歸搜其
遺稿梓之州志

高筠字紫嵐乾隆六十年舉人官內閣中書天資敏慧
博通經史中年日瞽嗜學不倦兼工琴著有紅絲硯館

詩集

州志

陳燮字理堂嘉慶二年舉人少負雋才綜覽典籍壯游
京師聲華籍甚畢尙書沅督陝時延爲上客梓其詩吳
會英才集中晚年官邳州學正以修江甯府志歿於旅
次著有憶園詩鈔又有潘世求號作人舉人官和州學
正葛維煦字鶴汀拔貢生官蒙城訓導並讀書崇實行
訓士多所成就維煦著有師儉堂文集詩賦雜著稿吳會

英才集
并州志

俞國鑑字玉衡嘉慶五年順天舉人幼負異稟年十三
肄業郡城書院運使曾煥極賞之刻其詩題襟館集中

是時泰之能詩者首推陳燮國鑑年少於燮而詩名與相頡頏旋之京師從士大夫游業益進選授通州學正以母老不赴卒年五十二著有樵月山房集同時萬棨字薌林嘉慶十二年舉人少孤力學試輒高等肄業書院運使曾燠榜其文於題襟館為多士式燠官湖北按察使棨往就之病歿於旅舍為歸其喪州志並新採

繆承鈞字善夫早著文譽夙困場屋晚年家居課子屢空晏如也卒年七十二著有寒翠軒詩集又有備步雲字湘舫諸生李祺字青岩廩生並工文辭步雲著有晚香齋詩集祺著有松蔭堂詩文鈔州志

仲振奎字春龍監生工詩法少陵為文精深浩瀚出入

三蘇平生著作稿多散佚所存惟紅豆村樵詩草若干

卷州志

田雲鶴字輪長沈酣書史工詩文放意山水嘗襍被覽

武夷仙霞之勝著有金鑑集又有周虹字天橋工詩雄

渾超拔出入高岑杜孟間著有天橋初集四卷不休編

一卷州志

王輔字左亭監生性至孝直言質行學人多敬憚之幼

慧博通典籍而不應選試日以詩酒為樂與同里諸子

角勝騷壇至晚年而好愈篤興化詩人徐鶴峯病歿為

營其殯葬立石於墓以表之其他行誼見重於時多類
此道光元年舉孝廉方正力辭不就著有雪蕉堂詩草
匏尊老屋經史紀餘圖錢所見記卒年六十一新採
湯治昭字懋齋歲貢生品端學博孝友性成從學者多
所成就著有清嘯堂詩草又有葛蕙田字二川諸生事
母至孝讓產於兄舌耕自給著有燕貽堂文集新採
徐升堂字小隱道光二年舉人少孤貧事母至孝生平
邃於經學主講明道書院課士以植品行求實學爲先
宗族師友困阨者必竭力資助之禮闈報罷歸遇母喪
得咯血症遂歿年甫四十六著有學壽堂文集十二卷

晚香亭詩集八卷狀

常增字高庵道光五年拔貢性至孝聰慧過人好學不
倦著有儀禮瑣辨一松樓文稿編年詩鈔高庵詩話竹

葉山房外集

新採

康發祥字伯山歲貢生工詩古文詞性耿介家貧以著
述自娛著有三國志補義伯山詩話詩鈔雜文小海山
房詠史詩若干卷卒年七十八新採
田寶臣字少泉諸生工制藝詩派出眉山而加以精鍊
解經確有心得尤貫通許氏說文著有小學駢支八卷

新採

續襄陽州府志

卷之二十三

人物文苑

三

以上泰州

錢青田字鶴仲諸生淹博能文著有小築山房詩文集
又有施雲標字井亭諸生著有小篔簹館詩集

縣志

馮道立字務堂歲貢生咸豐元年舉孝廉方正好讀書
至老不倦嘗創建宗祠凡族中節孝與無嗣者立主祀
之又設文貞義塾及家塾以教貧家及宗族子弟月課
文藝給以膏火因歲歉創積善會復仿古義倉法置豐
備倉並義產生息以防旱潦設義棲所以養老弱疾病
者凡遇災賑則立局平糶次及救荒之策靡不舉行著
淮揚水利圖並治水論合刻行世學極淵博於周易學

尤深著作甚富見藝文書目卒年七十九

採

以上東臺

續纂揚州府志卷之十二

續纂揚州府志卷之十四

人物志六

篤行

劉溥字廣川監生少貧隱居樂善孝敬睦友內外無間
 言道光元年舉孝廉方正辭不受年饑恆典質施賑存
 活甚眾有貸者恆焚券不責償里人義之卒年八十四
 子樹字玉甫貢生恬澹嗜學親族鄰里賜卹倍至悉能
 秉承父訓卒年六十有八孫惟金咸豐元年舉人家傳
 周疏字濬川諸生性孝友父患外症不解衣帶者屢月
 事繼母一如生母教子姪嚴多所成就素樂解推冬令
 設粥廠施棉衣按歲不輟道光十八年水災首議捐賑

全活甚衆仿范文正義田之制爲睦族計鄉里稱之晚
年尤耽吟詠

行狀

葉鑄字蘭卿諸生幼失怙事母以孝聞平時遇有災賑
及卹嫠惜字諸善舉靡不竭力襄勸家貧惟以課讀自
給咸豐三年母歿難城內鑄因以哀毀成疾卒

新採

張薰字柏亭監生父攀旭營千總素精岐黃薰少穎悟
以家貧服賈時揚州鹽務猶盛爲人司會計獲利輒厚
道光二十九年大水議辦賑恤分十局居災民饘粥醫
藥葬埋事悉備至城中保赤堂義學清節堂卹嫠會暫
棲所多所籌濟卒年六十有七議敘運同銜以子官得

二品封子聯第刑部員外郎記名御史聯桂官廣西慶

遠府知府

行狀

張肇熙字緝臣高祖書伯高祖坦同胞皆武進士肇熙
中咸豐元年武舉人親老不求仕進道光二十九年水
災出藏穀徧給里黨咸豐三年粵匪竄郡城慷慨捐資
督率附近莊舍互相守望無播遷劫奪患凡遇軍米馬
草各捐悉自捐輸寇平請獎力辭不受同治六年旱荒
又爲減租散粟鄉里稱之卒年四十有六

家傳

于曉春字晴臯附監生舉咸豐元年孝廉方正性恬退
不樂仕進敦孝友樂施予三年揚州團練七年馬棚灣

決口皆捐輸恐後著有禹貢圖考論史芻言兵法輯要

畚經書屋文鈔

行略

以上江都

喬椿齡字書酉諸生少通經義尤深於易揲蓍累有驗善屬文以漢魏為法性剛直廉介跬步必以禮居陋巷室甚貧苟非義雖周之不受阮文達公幼受業於椿齡督學山東迎椿齡至署嗣卒於青州試院為歸其喪於

揚州

聖學經室二集

林述曾字季修監生優於才能初往浙佐阮文達公幕時海洋不靖凡勵兵濟餉持籌之力俱多嗣援例選授浙江武康縣在任未久以官為苦遽告歸其留別士民有曰歸來高卧夢魂安祇仗清風兩袖還子溥道光三十年進士官山東卽墨縣次鴻工書畫早卒

家傳

顧承熊字夢華諸生入學後試輒高等十赴省闈不售絕意進取性純孝生事死葬皆盡禮鄉里有婚葬困乏解推不吝歲暮每分修脯貸米以濟不足著有雄雉齋詩文集六卷雜體文二卷卒年七十子奎同治四年進士官翰林院編修姪筠道光十年副貢工楷法有小雄

雉齋詩文集

行狀

岑建功字紹周監生性勤謹好儒雅頗善居積每謂天

之所厚不敢自私凡死喪孤寡無告者咸周給之每得異書必鳩工重刊如舊唐書輿地紀勝皆見珍於世傳略

齊之福字履謙廩貢生署清河縣訓導未幾稱疾歸粵

匪寇郡所居邵伯鎮中普濟堂留養所諸善舉幾廢之

福以為貧民託命之地籌畫經費維持之力居多卒年

七十七子長庚咸豐二年舉人浙江候補道行述

符燮梅字子南貢生啟祥孫歷署江甯府學訓導六合

睢甯沛縣教諭世居邵伯力行善舉普濟堂文節堂章

程皆其詳定咸豐三年賊擾集練保衛捐貲助餉十年

小六堡隄決籌賑勘工事無不舉卒年六十有四家傳

黃寅清字直夫監生世業醫刀圭所入凡親族之貧苦

婚嫁之無資者咸仰給焉粵匪竄揚郡寅清年逾六十

猶躬督子弟辦理團防為守望者倡鄉里賴之卒年七

十九新採

以上甘泉

厲長年字紹彭乾隆三十九年武舉家貧行廉潔除夕

贖衣質庫挈筭歸見非已物價逾數十倍立還之酬以

金不受通經史手握一編垂老不倦邑中善舉多所贊

成城南有洲地產柴同業謀墾田議已決獨以首段枯

塚數千不忍骸骨拋露反復申訴得免墾卒年八十七

杏芳庠生孫恩官另有傳家

汪夢桂字文舟乾隆五十四年舉人淡於進取束身踐行督教諸子尤嚴呈中有不能婚嫁者一人不克飲助則集同志分任之親族子弟無力讀書輒自教之而卻其脩脯尤重嫠婦苦節筆耕所入半為周卹之用卒年五十六著有志學齋稿子全謀廩生道光元年舉孝廉

方正墓誌

賈琢字芭江諸生性內峻外和淡名利書法工妙為時所重太守張廣泗慕其名邀之入署辭曰余書祇自娛未足稱善如不棄但給紙來紙至為書楹聯條幅數事

越三日遣使陳金於庭笑曰余非醫字者卻之終太守任不一見也其立品之介類如此卒年逾七十略傳

王家幹字峙亭諸生自幼孝敬夙成侍母寢終夜不怠壯而奔走四方五十外歸課子孫九經皆手寫授讀家貧恆節嗇衣食年七十則出篋中所錄積者修治祖墓又整理宗祠田畝審定祭器儀注歲時率族人舉饋奠禮恆齊邀將事曰吾老矣惟此事不可少懈也卒年七十八阮文達公為文表其墓子僧保翼鳳另有傳孫建和諸生治和咸豐元年舉人傳家

晏行忠字亭樗諸生父德寶監生世居邑南門外濱臨

大江為掣鹽所巨艦盈千排泊成市小舟入江貿易者往來如織每值昏夜風浪輒多覆溺捐資創立救生船局此患遂息生平好義樂施老而彌篤鄉里稱為善人行忠夙承父訓秉性慈惠邑中同仁堂仿蘇省例嚴定規條躬親督理歷久不懈卒年五十八著有蘊桂山房詩集子端書道光十八年進士官都察院左副都御史孫方琦廩貢生山東候補知府曾孫振恪同治十二年

舉人

傳略

方震舉字蔚霞貢生性厚於人無忤事母承歡年登大耋人咸以為孝感與弟震時相友愛待族戚有恩賜卹窮乏汲汲如恐不足尤精岐黃術口不言醫遇有遺疾危急者為之診治應手輒效邑中善舉皆能力任其事期於盡善卒年七十子鼎銳咸豐二年順天舉人官

浙江溫處道

傳略

汪紳字笏庭幼失怙恃賴中表馬成章資助之成章卒無後紳竭力營葬為別室祀其木主歲時展墓並作記以告後人無忘馬氏之德親友貧苦無資者竭力助之無所悛鄉里稱長者子廷儒另有傳家傳張錚字鐵夫廩貢生選授寶山縣訓導道光二十九年儀邑水災請撥倉儲賑濟躬任其勞咸豐十年秋邵伯

隄決復倡捐施賑經理得宜當事重之嗣以知縣分發湖北因病乞休卒年六十九著有味心室雜體文詩集

以上儀徵

宋繼璟字雲思諸生少孤事母孝性好施舍倡立育嬰放生諸會著有正氣編聖賢傳心錄燕貽篇子驤字龍友官太平府學教授樂善能繼先志

鄒元煥字景章監生幼事母孝嘉慶九年後郵邑連遭水災煮粥賑飢必嘗食然後給散既飽各給錢數文遠

來者並結茅屋居之

柏世爵字丹書貢生父九齡捐修育嬰普濟兩堂造傳

公橋修馬路增塚地世爵克繼父志當事咸推重之著

有崇雅堂詩鈔子凌霄諸生疏濬南北澄子河董修學

宮增設祭器置學產以助鄉會試資斧至今著為成例

著有歸田詩鈔存心書屋文集又有賈輝祖字光先諸

生撫諸弟極友愛鄰里有爭競者曉譬之立解郵邑學

田舊無圩岸輝祖倡議堵築自是成沃產卒年八十餘

州志

徐禮字耀西監生好施濟歲暮懷金行過貧者之門潛擲之子喬齡監生有父風禮欲資助普濟育嬰二堂苦

不給喬齡方貸金四百將應京兆試悉以奉父施於堂
 內又有宋學濂字默夫與江都朱老匏善朱死無嗣殯
 葬皆為經營之既老卜兆於朱墓左且戒其子曰他日
 展墓奠我必及朱其篤於友誼如此吳鏞字栗鳧諸生
 自湖村歸見小舟載一婦人蒙面泣詰之乃田鄰李某
 妻為夫所賣者遂出所收租贖以歸之著有自勉齋詩

集州志

夏長清字補園監生之芳曾孫幼孤奉母教持家甚嚴
 待人有禮親族貧乏勉力扶助道光二十一年水災贊
 襄賑務全活者多子子錫同治二年進士官翰林院編

修任四川學政略

徐諧字尹和諸生家貧以舌耕供菽水兄說困於童試
 於仰事俯畜力恆不逮諧獨任之雖屢空不形於色恐
 貽親憂且妨兄學也旋患外症自料不起於兩親養生
 送死之需竭力預為籌備果未逾年而卒年甫三十三

新採

董楚材字晉卿歲貢生天性誠篤於修學宮增義塾卹
 嫠會育嬰堂諸善舉力任不辭及粵寇竄揚楚材籌辦
 團防民不擾而事已集復因堵築東隄冒盛暑徒步數
 十里感疾卒生平邃於經學著有周易彙參詩經會要

若干卷

傳略

費鸞字青甫歲貢生事親至孝兄弟析居擇田產膏腴者推與長兄又將次者推與三四弟曰願善守先業及兄與弟將家資蕩盡復隨時周濟口無怨言性純謹好學屢試不售以成全後進為急務新採

董丙元字燧臣諸生為文力求先正法程性慷慨有大志恆以濟物為心躬自省嗇而周濟貧乏無少吝卒年六十八著有周易集說激面軒文鈔若干卷子對廷同

治四年進士官戶部主事

行略

居之薰監生幼失恃事繼母孝父歿哀毀幾不起精醫理診疾施藥全活甚眾自豐北河決後流民南下就食倡議捐賑且為設廬舍又隄工久失修之薰請儲備禦險故每遇盛漲賴以無患捻匪賴文光南竄夜偏郵城倉猝閉門土不繼之薰請就近運鹽包堵門賊不得入平時急公好義里人推重之子喆同治三年舉人牲齋

鵬皆諸生

家狀

王琳字崑源監生事親孝父歿哭泣幾失明昆弟四分產取瘠者曰吾善治生諸弟不能也性好施濟困無少吝創立惜字社施藥局董理育嬰堂尤竭力邑之災賑團防悉賴襄助子炳義諸生新採

以上高郵

顧梓字石門諸生天性嚴毅一跬步必於禮雖暗室必整衣冠而坐居家父子異室子欽文於朝夕起居外非呼不敢至非命坐不敢坐其訓他子弟尤嚴至今里人猶傳誦其家法焉傳略

李槐字秋爽諸生氣節自矜恥與俗儒伍素為邑令多澤厚所重令性簡伉不妄與人交獨心折槐歲大祲知其家貧甚無隔宿春贈以百金槐曰某向慕陳正字死不受人憐我輩乞人憐固自輕受人憐亦非自重卒辭之閉門忍飢如故著三亭詩鈔縣志

楊元泰字詵羽貢生性湛靜樂於為善待三族尤有恩經營育嬰堂普濟堂諸善舉措理裕如每遭災荒輒預為儲積以是人服其才新採

劉松齡字鶴與少孤聞母述父遺言輒飲泣事母孝養備至家貧尚義篤於宗族遇戚友借貸竭力應之歲終薪米不具不以告人所居鄰普濟堂隘於地割宅地與之與鄉鄰語必因端導之以善人恆誦之子熙載道光

二十四年進士官國子監司業任廣東學政傳略

袁青管字翰卿歲貢生生平多厚德有國姓者遇祲歲夫婦行乞於道無何國死惡少某啗其婦他適遺一稚

女牽衣不忍別青管聞其事並收養之逾年知為阜甯
監生國某之媳其翁故在為給貲遣歸所居小海場向
有社學兵警商散膏火無措青管傾囊延師者六年社
學至今不廢皆其力也素工詩文著有周易集說彙要

略行

楊佩蘭字素心監生父荆璧創建家祠未竟而歿因率
諸弟修成又購置祭田以完先志凡遇地方義舉及族
中貧乏者無不仗助以成人美子甘霖監生因母病篤
輦石修理街道以便行人母病尋愈遇有水旱饑荒捐
穀施賑絕無吝色所居白駒場修建學宮書院寺觀無

不倡先捐貲鄉里德之採新

趙僖字漢釐廩貢生咸豐間粵匪滋事大江南北悉被
蹂躪興邑僻處水鄉避亂者多歸之時議收養難民同
人以為難僖獨堅持其說請於邑令籌款設局全活甚

衆採新

張萼新字古生監生少孤貧事寡母以孝聞工醫咸豐
八年興邑設局留養避寇難民時值災疫流行邑令延
請視證慨然曰此吾之責也每日到局悉心診視助金
贈藥賴以全活晚年樂善之心益篤凡育嬰卹嫠諸善
舉無不解囊以助之採新

以上興化

徐宿性謹愿嘗於河下拾金一餅坐待其人還之又有鄭連玉於路得遺金待其人至乃所夙識者也因還之其人遍告於人連玉聞讓之曰我自以非所應得豈藉為沽名耶時論稱其謹厚

縣志

王瑤楨字戟門諸生八歲喪父柴瘠儻然見者哀之母劉氏治家嚴整教子尤有法瑤楨克盡色養與人交誠篤周慎遇有急難尤赴義恐後嘗客海陵有某氏女已字人壻遠出久不歸母苦貧鬻女於人為妾將別母女相持痛泣瑤楨聞之惻然亟質篋衣償所負女得不鬻

又婦某有身夫死貧不能活瑤楨謂之未幾婦生男又節婦某貧無子瑤楨資以金擇其族之賢者為之後又貞女某夫死將往壻家持服舅姑辭以貧瑤楨倡首出金女之族女夫之族皆感奮助之女遂行其志道光十一年大水明年飢瑤楨醵金逾千所活人無算其行善不倦多類是卒年七十二子凱泰道光三十年進士翰林院編修官福建巡撫嘗捐置義產以贍本支承父教

也 行略並義 產紀略

劉鵬字芸篻嘉慶二十三年副貢少穎異下筆成章平居不苟言笑動遵禮義治家整肅孝友性成邑中善舉

如修城隍治橋梁施衣藥米石卹幼助賑皆勇於必為
子蓀咸豐二年順天舉人官工部主事傳略

朱士恭字恪齋貢生父聯鑣官徐州府訓導嘗捐良田
以贍宗族士恭性至孝樂善好施伯兄早歿撫孤姪如

已出邑中善舉無不竭力倡捐家坐是中落弗恤也從
弟士佳亦有至行子百遂同治十三年進士官庶常傳略

成集成字佳木歲貢生生平重然諾處物必以恕撫養
諸兄子恩誼周洽恆稱貸以振卹之咸豐三年粵賊陷

郡城邑中戒嚴奸宄乘機將為變集成號召同志募丁
壯數百人衛戢閭里眾乃大定卒年四十有七新探

以上寶應

王瑞槐字嘉五三祝次子性孝友髫年見父失足力扶
掖之遂得跛疾長而好施凡有善舉樂行不倦嘉慶十

年水災捐金助賑子世履另有傳州志
夏震字春舟幼孤事孀母孝乾隆六十年重修明倫堂

及浴沂亭震董其事經畫盡善嘉慶十九年旱災倡捐
助賑家不豐於財見親族中貧乏者必周助之好為詩

著有寄園詩二卷州志

王洲字鷺芬監生為人慷慨好施見義必為咸豐六年
邑大旱飢民遍野出貲設廠賑粥全活者眾其他義舉

甚多工書晚年習靜惟以筆墨自娛子桐咸豐十年進士由庶常改官戶部主事家傳

王華封字堯民監生天性孝友喜讀書工吟詠嘗建宗祠修家乘及里中善舉有關風化民生者知無不為至

老不倦著有海安古今錄輞川別墅詩鈔卒年八十四

子樹基諸生新採

朱宜字馭時父為質通醫理施藥濟時宜承父志為人療疾不受餽遺者六十餘年著有喉方集解四卷性慷慨好施凡遇義舉典衣質物為之嘗獨建宗祠創立憫

旅堂施田為義塚咸豐元年舉孝廉方正新採

尤金城字柳村貢生性好善於州城建義塾四所以教

子弟之貧者州中有大興作金城皆與其事與兄金鏞

至友愛築城西草堂地極幽勝時招賓客以觴詠自娛

新採

以上秦州

馮其瑚字玉華監生屢世樂於為善其瑚性尤好施家僅中人產以是中落而始終不倦道光六年十一年水災倡捐平糶復為粥以待飢者凡施藥施棺施衣施錢靡不竭力為之嘗夜獲盜燭之識其為良家子贈以錢遣之終身不道其姓名後聞其人果改過衣食粗足其

謹厚愛人類如此子道立另有傳新採

袁宜松字夏樹事母以孝聞建立宗祠宜松獨力捐助
祠內設立義學同異姓皆得附入鄉里子弟賴以教育
者甚衆新採

姚輔字硯耕諸生年十八時曾一晝夜奔馳一百六十
里延醫以愈父疾海濱舊習兄弟多析居輔獨與昆季
相友愛終身共爨鄉里化之地方善舉凡力所能逮者
無不為卒年四十九著有耕山書屋吟草新採

申大鶴字希喬天性篤厚明於倫理宗族貧無葬地割
田畝以給之凡濬鹽河修社學建義倉皆督任其事慨
然樂助鄉里稱賢卒年八十五新採

吳智富字善堂居安豐場道光二十八年水災狂風破
圩居民倉皇莫措智富僱船隻立救多人同里徐安甸
字禹洲同治五年大水草壩坍裂居民岌岌安甸率眾
堵閉商竈均感其惠新採

王大勳字啟農性孝友善治生與兄析產勳讓而受其
十之三鄉里義之邑處淮湖下游頻遭水患勳首出資
為倡築大興圍以障之至今賴焉卒年七十二新採
以上東臺

續纂揚州府志卷之十四

續纂揚州府志卷之十五

人物志七

流寓

蔣士銓字心餘江西鉛山人乾隆二十一年進士官編
修士銓以詩古文辭負海內盛名主講安定書院成就
後學甚眾兼工南北曲馬曰琯延士銓於玲瓏山館所
填院本朝綴筆翰夕登氍毹揚人盛傳其風流文采云

經
室集

江春字穎長號鶴亭安徽歙縣人先世僑居揚州以鹽
筴起家春性警敏善屬文尤長於詩為總商四十年

國家有大典禮及工程災賑兵河饟捐上官有所籌畫春

皆指顧集事太監張鳳以銷毀金冊捕逃至揚州謁春
春於杯酒間縛之由奉宸苑卿

特賞加布政使銜好藏書廣結納文人學士咸樂與遊著有隨

月讀書樓詩集三卷從弟昉號硯農候選知府工詩詞

所居紫玲龍閣一時文讌之盛稱二江公家昉著有晴

綺軒詩若干卷練溪漁唱詞二卷

學經室續集

陳章字竹町浙江錢塘人精於詩尤工楷法作詩文雖

屬稿不作行書乾隆間舉鴻博因親老力辭不就僑居

揚州因就馬氏聘遂家焉時壇坫甚盛同人唱和章咸

興焉詩載韓江雅集著有孟晉齋詩集二十四卷文集

二卷弟皋字對鷗亦工詩時有二陳之目比之二應二

謝著有吾盡吾意齋詞集對鷗閣漫語

縣志

吳錫麒字穀人浙江錢塘人乾隆三十九年舉人四十

年進士授編修兩充會試同考官補右春坊右贊善

上書房行走轉侍講侍讀升國子監祭酒性至孝以親年

八旬乞養歸里主講安定

官院所拔多績學礪

品之士天姿超邁耽吟詠至老不倦著有有正味齋全

集七十三卷及詩賦各體藝林奉爲圭臬卒年七十三

子清皋嘉慶十八年舉人官江西撫州知府清鵬二十

二年一甲三名進士由編修歷官順天府府丞告歸亦

主講樂儀書院

事略

谷際岐字西阿雲南趙州人乾隆四十二年進士改庶吉士授檢討升禮科給事中言事鐫級補刑部員外郎保送知府引疾後主講揚州之孝廉會文堂其學以自守爲本有用爲宗生徒進問者唯言熟讀宋五子書反質諸身之所行而已客揚州五年諸生有負笈數千里來者後卒於樗園其殯也生徒素衣執紼異聲同歎

傳略

洪梧字桐生安徽歙縣人乾隆五十五年進士改庶吉士授編修任山東沂州府知府解組後主講梅花書院又與郡人結詩會編有韓江酬唱集

家傳

凌廷堪字次仲安徽歙縣人少游揚州適全椒金兆燕以進士爲揚州府學教授開設壇坫落筆如飛卽著棕亭詩文鈔者也遇於小玲瓏山館目爲曠代奇才時阮文達公尙應童子試與廷堪以問學相長各期束身修行廷堪擬李白大鵬賦以見意與同人詩酒往來極一時友朋之樂乾隆五十五年成進士改授知縣選甯國府教授廷堪博覽強記識力精卓貫通羣經尤深於禮其禮經釋例卽寓揚州時所著也

年譜

吳蘊字山尊安徽全椒人嘉慶四年進士入翰林洊升侍講學士少爲朱文正公所激賞謂合邱遲任昉爲一

手駢體文沈博絕麗詩以孟韓皮陸為宗五言長古尤足推倒一世主講梅花安定書院最久同時全椒舉人金望欣字嵎谷工詞賦寓居揚州亦最久新探

姚配中字仲虞安徽旌德縣人諸生博覽經史尤嗜易客揚州五年著有周易姚氏學十卷琴學二卷傳略

徐培深字松泉貴州石阡人嘉慶二十二年進士官御史數言事直聲振天下後乞病客居揚州疊主書院講席而主梅花最久嘗自號梅花主人平日講學不立門戶大旨以敦品力學為宗揚州南北一大都會四方人士游學於此咸傾心引納之以故戶外之屨常滿素工

書得晉唐人宗法老益適整咸豐三年揚城失陷移寓泰州年且八十矣自以遭時喪亂貧不能歸遂嬰疾死所著詩文若干卷身後遺稿散佚時共惜之傳略

汪志培字根源安徽歙縣人其先僑居東臺縣屬之角斜場父有瑞捐助場境社學田畝嘉慶十年大水捐辦賑撫志培幼孤事母至孝曾獨力捐鋪角斜場通衢石路並捐貲重修社學後值水旱偏災均倡捐助賑以承

先志新採

朱駿聲字豐芑蘇州吳縣人嘉慶二十三年舉人就館揚州謝氏最久值文滙閣曝書往讀未見之籍有得即

揚州謝氏最久值文滙閣曝書往讀未見之籍有得即

錄之大挑選旌德縣訓導丁艱後選黟縣訓導著經義數十種尤邃於許氏說文有說文通訓定聲三十二卷

嗣升揚州府學教授因風痺乞解官卒年七十一

行狀

梅曾亮字伯言江甯上元人道光二年進士官戶部郎中古文紹姚姬傳之緒詩天機清妙皆為同人推服告

歸後主講梅花書院著有柏硯山房集

傳略

程鼎調字梅谷安徽歙縣人生而敦敏幼研經史為文高潔嗜算學好讀孫吳書旁及岐黃之學屢試不售改

習岐業生平篤行孝友著有梅谷叢談十卷習醫明鏡六卷配命錄二卷卒年四十九子葆原名官堡字鎮北

幼失怙出繼族叔入儀徵縣籍道光八年舉人十三年進士會試後改歸原籍官工部虞衡司主事升郎中授

廣東肇慶府知府咸豐五年赴任過浙江奏留襄辦徽州防務事竣仍僑居杭州十年粵賊陷城全家殉難

家傳

並新採

陳立字卓人江甯句容人隨父客揚州道光十四年舉人二十一年進士改庶吉士補刑部主事升員外郎授雲南曲靖府知府未赴任生平甘淡泊恥干謁與人交懇款惻怛客揚州久師門誼最篤交游亦多著有公羊傳義疏白虎通疏證爾雅舊注說文諧聲孳生述句溪

許宗衡初名鯤字海秋江蘇上元人咸豐二年進士由

庶常改官內閣中書終起居注主事幼孤得力母教內

行最篤賦性豪邁時流露於詩酒間族人業饑於揚延

以課讀往來於揚州最久其詩縱橫跌宕古文尤儻

倣詭似胸中有奇氣不可遏鬱者著有拳峯館詩鈔玉

井山館文集正雅集

附錄

咸豐年間揚城三次失陷流寓殉難者甚多

附編

歲貢生候選訓導姚宗木

山陰人字半林僑居揚郡績學敦品著有詞隱生新樂府

四卷近唐人小令詩二卷咸豐三年城陷時年已七十餘與子監生孝懋同罵賊死妻程氏亦遇害

生候選訓導鍾兆熊元和人率勇八品銜陶瀚仁和人

害八品銜江洪作旌德人絕粒死從九品銜呂瑞堂山陰人

生會稽人與妻王氏子文太從九品銜劉振奎廬州人

氏妻金氏弟炳堂子增祿又子從九品銜劉振奎廬州人

家五口九品銜徐樹本安東人同妻陳氏職員嚴庸

同殉難九品銜徐樹本安東人同妻陳氏職員嚴庸

仁和人與妾職員陳廷錦蘭谿人俱絕粒死

生顧灃上元人與弟諸生澄諸生桂楨句容人與姪袁

正進丹陽人與嫂史氏次女許袁氏幼女四姑孫女貴貞

俱絕粒死妻朱氏諸生徐燧錢塘人少傅文穆公本之

長女秦袁氏被殺諸生徐燧錢塘人少傅文穆公本之

六

弟煥弟婦諸氏童文進大興人與長子諸生桂次子復
子壇俱絕粒死錢塘人與妻吳氏俱被戕死弟婦諸生

死諸生徐木生諸氏子杏樓僕婦張氏俱自縊死諸生

徐義芳山陰人廩監生曹輅朱氏絕粒死監生稽榮培

無錫人字藥園能詩大學士監生朱建堂昌子婦姚氏

文恭公璜之孫舉家自縊死李氏監生吳楫子照人與

並絕粒監生郭玳子滄並絕粒死監生謝珏餘姚人與妻喬

照女秀姑子婦洪氏孫元壽監生王東山被殺監生徐榮春

孫女玉姑子婦洪氏孫元壽監生王東山被殺監生徐榮春

俱絕粒死保監生李國來深水人監生王東山被殺監生徐榮春

生程惠葑安東人監生何榮棣大興人罵監生徐榮春

餘姚人監生周雋貴池人陳書禾會稽人罵賊被殺

四姑新姑同時被殺邵荻漁山陰人游幕江都與

女大姑二姑自縊死江甯人與鄒錫炎投書大營文童陳

錫炎丹徒李雲裳約官軍入城謀復同被殺文童陳

元桂子春禧投井死陳建初無錫人城陷不食死子志

殺陳瑞雲趙氏俱自縊死蔣蔭淇丹徒人與母孫氏

家俱絕夏志純母丁氏弟志能志存同被殺叔譚大生

和州人與妻鄭氏子唐錦榮常州人絕粒死妻吳氏被

婦朱氏俱絕粒死唐錦榮常州人絕粒死妻吳氏被

程丙昌無錫人鄭基富嘉興人罵民人鄔聖瑞上虞人

子德謹劉某旌德人絕粒死謝方喜溧水人與姪丁

被殺劉某旌德人絕粒死謝方喜溧水人與姪丁

遐齡上元人與姪慶保絕粒死弟汪永祥全椒人被

氏自縊子某女嚴茂虎丹徒人後殉難某氏自縊子嚴

大姑絕粒死嚴茂虎丹徒人後殉難某氏自縊子嚴

治祥 丹徒人 被殺弟 揚承祖 如皋人 絕粒死 鄭致和 歙

人被 劉泮元 旌德人 江文輅 歙縣人 任錦祥 旌德人 張益齋 西山

人殺 周廷琮 餘姚人 左萬忠 濟南人 朱洪裕 上丹徒人 以汪大

昕 丹徒人 被賊斫 朱琛 吳縣人 陳朗山 自縊死 俞士儼

仁 折右臂 絕粒死 某氏 俱絕粒死 妻之 姑 孫文學 丹

母 某氏 妻之 姪 某氏 寄居 其家 亦絕粒死 縣人 與妻

人 以瓦木 工為業 為文 童黃耀龍 汪茂堂 某氏 俱絕粒

守 屋賊 脅入 館不肯 行遂 絕粒死 楊端堂 丹徒 吳藝之 丹徒

死 楊永齡 鎮江人 胡宏才 俱絕粒死 楊端堂 丹徒 吳藝之 丹徒

程春霆 淮安人 劉子珊 紹興人 饒直庭 歙縣人 陳炳桁 慈谿人 江

月培 歙縣人 袁嘉和 當塗人 林衡齋 丹徒人 沈啟盛 丹徒人 黃有

章 歙縣人 黃錦中 歙縣人 胡宏才 太平人 王福 六合人 備鹽知

督 奏請 諸生 朱修吉 溧水人 與弟 諸生 朱近山 元和人 江總

監 生 徐珍 錢塘人 罵賊 被斫 投井 死 妻 黃 陳邦慶 長沙人 字

若 農工 文為 幕府 書記 晚年 寓揚城 陷罵 賊被 九品 銜

剖 腹而死 收復 後家人 入城 殯殮 面色 如生 於 蕭姓 家

潘 琳 大興人 在保 衛局 教 張文遠 六合人 備 於 蕭姓 家

豐 三年 殉難 由兩 江 職員 余瀛 徽州人 絕食 死 以上 皆 咸

忠 義局 彙奏 請 卹 職員 余瀛 徽州人 絕食 死 以上 皆 咸

生 王 方 丹徒人 與子 廷琛 湯永齡 前丹徒人 絕粒 死 與 晏

藝 之 前丹徒人 絕粒 死 與 汪月培 歙縣人 絕粒 死 與 前江

楊 城 殉 熊石揖 湖北人 游幕 甘泉 咸 候補 縣丞 閻金壽

難 錄 前江都縣 光涵 次子 罵賊 被殺 從九品 銜 鄭兆松 上元人

殺 前江都縣 光涵 次子 罵賊 被殺 從九品 銜 鄭兆松 上元人

殺 前江都縣 光涵 次子 罵賊 被殺 從九品 銜 鄭兆松 上元人

殺 前江都縣 光涵 次子 罵賊 被殺 從九品 銜 鄭兆松 上元人

諸生陳道熙

錢塘人 被

諸生李登甲

江甯人 絕粒死

監生戴杏

丹徒

人與妻李氏

妾江氏

積薪自焚

監生程惠豐

安東人 被

害與前程惠葑

女領弟一家

五口積薪

自焚

監生朱均

蘇州人 絕粒死

監生吳廷

殉難不同

王日華

絕粒死

監生朱均

蘇州人 絕粒死

監生吳廷

姑存之

洪煦

歙縣人 謀為

內應書被賊獲賊

呂長祥

歙縣人 謀為

旌德人以書投

大營請兵

破城被賊搜

文童臧椿桂

丹徒

出分屍兩半一釘

天甯門一釘

便益門

文童臧椿桂

蘇州人 罵賊被

害

焚死

文童曹照

絕粒死

吳香輪

徽州人 與妻許氏

方冠瀛

自縊死

章壽亭

紹興人 與妻

吳香輪

徽州人 與妻許氏

方冠瀛

自縊死

桐城人

韓升

常州人 與子竹

李敬業

休甯人 自

此張

順楨

休甯人

張晉藩

丹徒人

錢子珊

紹興人

祥餘姚

茅積庵

丹徒人

睦同年

丹陽人

睦慶

人自熊石

揖至此皆新採

續纂揚州府志卷之十五

續纂揚州府志卷之十六

人物志八 藝術

殷杓號古農廩生工書畫作梅花專以瘦枝疏萼取致於近人不在巢林居士下子燠諸生亦工畫梅傳略唐桂字蟾枝諸生幼穎悟生平肆力古文著有繼志錄一卷尤長於弈與范西屏齊名兄翰字池染亦以古文

名思古編

陶鼎字立亭工寫青綠設色山水亦善花卉得虞沅之法又虞蟾字步青畫大幅山水力能包舉與陶鼎齊名

新採

曹樞暘字翰臣幼受叔象山教精於醫理著本草纂要與汪訥庵本草備要相埒子懋臣著有醫話三卷治巴氏產婦出痘諸醫束手懋臣投以硝黃大劑一藥而愈姪學會能世其業新採

唐滔字樸園士女仿仇十洲花卉法惲南田均以工緻稱於時又朱文新字滌齋工人物善仿新羅山人濮士鈴字小山善粉墨梅並入分書畫肪錄並新採

劉彝字古尊與同邑徐玖字伯疇師事山陰陳沅均以花鳥擅名新採

朱本字素人工山水兼善花鳥人物李育字梅生畫善寫意私淑華秋岳山水有曠逸之致花鳥亦多生趣二人嘗北游京師名重公卿間又吳克讓字篠莊精山水法黃鶴山樵渲染蘭竹尤得元人筆意新採

張肇岑字蘭坡少時讀書通大義精書篆隸歷游儀徵阮文達公吳文節公幕足迹幾遍天下喜金石文字所到名山碑碣搜訪必力文達公督滇時大理石畫鐫刻皆出其手援例得按察司照磨著有石鼓齋印譜卒年七十行略

以上江都

黃位字位五先世習醫至位尤精其業能辨陰陽虛實

於疑似之間從張仲景傷寒百十三方外又制七十二方往往以一劑獲神效求者絡繹相繼時有半仙之號江都令趙天爵贈句云孺子亦知名下士仙人曾授枕中書蓋紀實也子兆萱孫廷簡均諸生

縣志

黃紹堦字藕船天性誠篤博覽羣書考訂鐘鼎彝器名畫古碑寓目能決真偽三遊京師儀徵兵部主事黃文燿投繯死紹堦經營含斂護喪以歸尚義之名滿都下精於醫於近時醫家心折徐涇溪嘗屬疾夢涇溪為之施鍼於肩醒而病瘥兩肩皆有黑印指紋云子龍驤字友鵬輕財重義鄉里稱長者姪龍祥字雲起幼績學困

於小試從歙人羅浩遊臨症能別寒熱於疑似嘗謂人以元氣為本治疾者求速愈而不顧元氣雖邀功一時而根本潛虧終成難治之症識者歎為名言評校醫書得筆記若干卷

行略

范章桐字雨秋諸生工書法善畫蘆雁自成一家貧甚以字畫作生活一時珍之卒年七十九

事略

倪燦字曉春善青綠山水得趙大年筆意又李慶字得餘亦師趙大年兼倣袁文濤王竹里畫法寫樓臺金碧

新採

撫漢宮春色廣寒宮圖絕精

喬熙字瑞卿亦工山水

新採

朱連字石齋工花鳥人物學宋人而媚麗過之又程鷲字梧岡畫得新羅山人筆法王應祥字古靈汪圻字惕齋均以善畫仕女名

新採

以上甘泉

尤蔭字貢夫號水村工詩著有出塞集虹橋游詠詩多絕唱嘗得周種贈東坡石鈔繪圖徵詩題詠甚衆畫以蘭竹擅名偶一潑墨皆成傳作久客京師名公卿爭禮遇之卒以布衣終

江蘇詩徵並畫舫錄

李德漢字倬雲監生精明醫理其先習醫歷十四世於幼科痘症驚風治尤神效兄德禮字愛堂與之齊名著有保嬰撮要醫家奉為圭臬厥後子姪亦皆能世其業

縣志並新採

汪榮懷字歌石器字和峻與人無競山水仿黃子久別具秀逸之致居城東隅賣畫自給流俗人罕覲其面

傳略

汪熊字崙光幼嗜醫術通金匱傷寒之指族孫懷慶府知府喜荀少患羸疾諸醫決其必不起熊以仲景法療之數旬而痊其他治驗多類此晚年精力益健遇貧家請診者徒步往返不憚其勞卒年八十一著有醫學真詮二卷又陳實孫字又羣金彭字又籓吳通字春林均

以善醫名

縣志

劉沛生字雨亭世習痘科見點卽辨生死嘗論痘症祇有三途曰順逆險順者勿庸治逆者無可治所待治者險症耳故其治痘百無一失書宗平原有骨力尤耽吟

詠著有晚香吟詩集

縣志

黃應熊字齊之諸生書法汪退谷結撰豐整筆力適厚一時無出其右同時有黃文模字笠舟薛廷吉字漁莊書法圓勁均有名於時

縣志

程荃字蘅衫諸生書工隸篆冠絕一時壯歲囊筆遠遊四方傾倒晚年卜宅於安慶省垣徜徉終老構別業曰

篆隱園蓋自况云

新採

童錫齡字石林工書臨摹各家法帖無不得其神妙擘窠大書尤佳畫亦秀逸不落恆蹊晚年右臂病痺左書長幅小楷人尤珍之又魏畹字樹九工人物專仿宋人其離騷圖可與蕭尺木並駕黃溱字山耀亦以書名

縣志

並畫
筋錄

汪在公字紫峯原籍歙縣幼孤而貧遷居揚城族之在揚者多富商弗願往日坐破屋中展殘書得郭景純葬經諸編日習之並以卜筮名李明經艾塘見而異之謂人曰此夏馥申屠蟠也由是名日起性樸質拙於言詞

夏不葛冬不裘年逾七十素喜作詩著有蕭閒集六卷

子鑿儀徵諸生工詩畫傳略

吳讓之原名廷颺字熙載諸生工詩畫書法肆力最深

篆隸行草皆臻妙品新採

以上儀徵

熊以恭字又謙精醫理有王履直妻苦眩暈欲絕歲餘不起投補劑疾益劇恭曰此痰飲動搖耳治以苓桂朮甘等藥數帖而愈一窶人子春温青斑被體誤食涼劑垂斃恭識其陰毒發斑下真武湯三帖旋瘥又有翟紹衣庠生善治奇症有孕婦腫脹臨危諸醫稱不治紹衣

診之一藥奏效鄉民有腹痛欲絕者紹衣謂腹有水蛭用牛腳塘水中有小魚者煎服一吐即愈薛著猷精外症邵伯鎮劉某頭面患結毒鼻骨幾陷猷為去腐肉採珍藥鎔黃蠟補之久之合為一淮安某頭忽大如斗兩額角生二黑點痛徹心脾猷以兩金鍼炙紅貫通之二日而愈謂此為孽症其名曰門又從所好吳承先吳大同夏巨寬盛金蘭柏沛霖李典禮薛雲嘉皆以醫名新採吳履中字竹田諸生善丹青一邱一壑能自闢蹊徑同邑宋鼻字人龍精篆隸工鐵筆著有意園印譜一卷又葉毅字肇宏監生生七歲知弈長遂以弈稱後有徐庸

謹與毅齊名州志

王琨字山輝工花鳥設色久愈鮮明同邑王潛號東臯

子工山水花卉多與房瀛合作時稱二妙楊懷字榮秋

監生能以指頭畫蘭竹極工秀後有沈桂字雲巢以啞

號默道人善米山亦能以指頭畫牛州志並新採

吳體元字守善監生業瘍醫壯遊江浙遍訪名流辨識

藥草四十後甫歸娶為人療治諸症多效蘇州衛李某

患惡瘡誤服輕粉劫藥取效一時後毒復發遍體潰爛

與丹丸數十粒一月而愈晚年好道有莊老之風傳略

以上高郵

李士林祖父皆精醫術士林盡得正傳遇險症洞見藏

府人多奇之子熙儒能世其業縣志

許煥字燮門工詩善畫嘗作畫梅橫幅於上方禪智寺

題四絕句頗括寺中諸勝筆法蒼健尤為晚年傑作廣陵

詩事

孫玉瑄字墨林廩生倜儻不羈恥事生產喜為詩每拈

一韻渺然絕俗更以餘閒精繪事山水派近雲林兼工

墨竹時頗珍之新採

李朝光字御瞻性篤孝以父母時有疾日檢方書中年

遂精於醫有請診者日必兩視其脈以子午二時陰陽

通轉天之氣候與人之脈絡相通少有參差便多貽誤
又謂靈樞素問非黃帝時書多魏晉間人僞託惟論五行爲切要耳著醫學切要二卷子天基字嵩山得其傳
盛行於時家傳

以上興化

盛宗禎字心國精於醫幼科尤神異視耳紋辨黃紫曲直驗遲速輕重可治不可治百不失一嘗遇某家有兒戲階下語其媪曰可數與嬉戲豐飯但三月活耳後如其言又某氏兒患痘最輕皆謂可勿藥宗禎曰勿藥十二日死矣不聽果驗縣志

姚懼諸生父德徵工醫術懼習其業家貧挾其技走京師御史謝兆昌患寒症汗後發斑諸醫投犀角黃連久之絕食飲懼進理中湯數劑而愈自此名重京師又姚英煥字伯章亦精醫不論貴賤貧富皆竭力調治遠近就之者日恆如市縣志

以上寶應

宮製錦號石泉乾隆五十三年順天舉人官雲南南甯縣知縣自少工書在都時貴家子弟多師事之罷官歸復游京師名益重性寡諧士大夫招之往不合卽去所得金輒隨手散晚年多疾寓居康山索書者日盈其門

遂歿於揚州

州志並新採

朱鶴年字野雲幼工書畫九歲爲寺僧作山水小幅州牧見之曰此子當以畫傳及壯貧無以養親遂以錢八百纏腰徒步北上鬻畫以爲旅食入都後畫理益精名噪一時鶴年外和而內介喜行善事提掖寒素曾救人於死人皆樂與之游朝鮮人喜鶴年畫且重其人品有懸鶴年像而拜之者

學經室續集

金廣裕世業農貧苦好讀書善瘍醫應手輒效門庭雜選日以百計平素廉潔性成施藥濟世貧約如故人賴以活者不啻萬計競以天醫星目之

新採

徐沂字清溪世業醫至沂術尤精遇貧者輒助藥餌如臯大賈孫某欲以千金館之不赴通州有陳模者素與沂善其婦病招之往道至海安遇風覆舟援者止之不可乃假衣而行其風義類如此性友愛撫兄子十餘人皆成立族黨間多所周卹卒年八十二子百圍能世其傳又有陳策字文進監生少孤事母孝工醫多應手而

愈者

州志

陸儋辰字笈泉廩生居海安鎮善書法精於醫理著有醫學證治賦並運氣辨痧病辨道光元年鎮中民多病霍亂儋辰疏方濟人全活甚衆

新採

王翼鵬號凌青善丹青師宋元諸家於米芾最近繪萬竿烟雨圖尤稱精妙居平蔬食晏如卒年八十五時口為畫隱新採

以上泰州

夏樹常字純一工書善弈尤精於醫平生視人疾動中機竅所至霍然嘗有仇氏婦汪氏女先後染瘋疾樹常往視病者見瘋鬼遙避去蓋不獨畏其醫其正氣足以辟鬼也新採

王錫騏字曙堂諸生明醫術尤精痘症有農家子患痘頭漸腫大瀕危王往視曰此子皮內生蛆矣然去之猶可活索銀簪在石上劓之破其皮蛆隨手出更以菘豆湯洗淨取紅紙一張嚼爛塗之遂愈其他著效多如此年六十二無疾而逝新採

崔福基字嘯山工書善畫尤精寫真與人一謀面其意象神致即誌之不忘雖相隔年久摹之無不神似著有傳真心法一書實能發前人所未發新採

以上東臺

續纂揚州府志卷之十六

